

MEMORANDUM

**O RAZUMIJEVANJU I SARADNJI U NAUČNO-ISTRAŽIVAČKOJ
OBLASTI I PODRŠCI SISTEMSKIM POSLOVIMA SIGURNOSTI**

Sarajevo, juli 2009.godine

MEMORANDUM

O RAZUMIJEVANJU I SARADNJI U NAUČNO-ISTRAŽIVAČKOJ OBLASTI I PODRŠCI SISTEMSKIM POSLOVIMA SIGURNOSTI

između

Ministarstva sigurnosti Bosne i Hercegovine, sa sjedištem u zgradi prijateljstva između Grčke i Bosne i Hercegovine, Ulica Trg BiH broj 1, u Sarajevu,

i

Centra za sigurnosne studije, nevladine organizacije sa sjedištem u Ulici Mula Mustafe Bašeskije br. 10, u Sarajevu,

U daljem tekstu: Ugovorne strane.

OPĆE NAPOMENE

Polazeći od činjenice da su Vijeće ministara BiH i nevladin sektor 7. maja 2007. godine potpisali Sporazum o saradnji između Vijeća ministara BiH i nevladinog sektora u BiH;

Imajući u vidu da pomenuti Sporazum potvrđuje opredjeljenost Vijeća ministara BiH i nevladinog sektora u BiH da ojačaju svoje obaveze i odgovornosti u ispunjavanju preuzetih uloga i razvoju i kreiranju javnih politika;

Uzimajući u obzir da Sporazum predstavlja polaznu tačku za razvoj partnerstva a počiva na zajedničkim vrijednostima i uzajamnom poštovanju, te da je nastao kao izraz potrebe da se izgrade institucionalni okviri međusobne saradnje;

Pozivajući se na ciljeve sadržane u Strateškom planu Ministarstva sigurnosti Bosne i Hercegovine za period 2009-2011 u kojima se predviđa uspostava formalne saradnje sa nevladim sektorom u BiH;

Sagledavajući značaj podrške koju naučno-istraživačke institucije mogu pružiti institucijama vlasti Bosne i Hercegovine u izvršavanju njihovih sistemskih poslova,

Ministarstvo sigurnosti BiH i Centar za sigurnosne studije **definišu sljedeće:** Potpisivanjem ovog Memoranduma o razumjevanju i saradnji, uspostaviti formalnu institucionalnu saradnju. U skladu sa nadležnostima i misijama ugovornih strana,

predmet ove saradnje biće realizacija naučno-istraživačkih i drugih projekata u cilju unaprijeđenja sigurnosnog okruženja u BiH i provođenja aktivnosti iz domena Ministarstva sigurnosti BiH usmjerenih ka pristupanju BiH euro-atlanskim integracijama.

Ministarstvo sigurnosti BiH i Centar za sigurnosne studije izražavaju spremnost, da kroz buduće zajedničke aktivnosti značajnije unaprijede oblast saradnje kroz sistemske poslove u određenim oblastima djelovanja Ministarstva, a koje su predmet naučno-istraživačkog i drugog rada u okviru aktivnosti Centra za sigurnosne studije.

U skladu sa planiranim aktivnostima Centra za sigurnosne studije i neformalnom suradnjom koja je ostvarena sa Ministarstvom sigurnosti BiH u proteklom periodu predmet Memoranduma će biti saradnja u oblastima iz nadležnosti Ministarstva sigurnosti BiH koje su vezane za oblast zaštite i spašavanja, provođenje strategije rada policije u zajednici, implementacije strategije vezane za probleme malog i lakog naoružanja, te eventualno druge oblasti koje mogu biti predmet zajedničkog interesa.

Memorandum je potvrda opredijeljenosti Centra za sigurnosne studije i Ministarstva sigurnosti BiH da, kroz integracijske procese usmjerene ka pristupanju i punopravnom članstvu BiH u NATO-u i EU, kao i druge regionalne i bilateralne inicijative, reprezentativno i kvalitetno unaprijeđuju oblast sigurnosti u Bosni i Hercegovini.

MODALITETI SARADNJE ZA IMPLEMENTACIJU PROJEKTA

- 1) Predmet saradnje po ovom Memorandumu podrazumijeva sljedeće modalitete podrške i saradnje:
 - a) uzajamna saradnja kroz organizaciju i učešće u obukama, seminarima, radionicama, vježbama i drugim specijalističkim modulima obučavanja i drugim značajnim događanjima u BiH i u inostranstvu;
 - b) ekspertna pomoć i uzajamna saradnja u izgradnji i unapređenju sistema sigurnosti u oblasti pripravnosti za prirodne i druge nesreće, uključujući izradu strategijskih dokumenata sigurnosne politike u domenu izgradnje i razvoja kapaciteta zajednice za odgovor na eskalaciju rizika i nastanak nesreća;
 - c) saradnja u programima obučavanja i osposobljavanja zaposlenih u organizacijskim jedinicama u sastavu Ministarstva sigurnosti BiH;
- 2) U predmet Memoranduma mogu biti uključeni i drugi oblici saradnje u oblastima sigurnosti i zaštite iz nadležnosti Ministarstva sigurnosti Bosne i Hercegovine utvrđenih Zakonom o ministarstvima i drugim organima uprave Bosne i Hercegovine i pojedinačnim zakonima koji uređuju oblasti iz nadležnosti Ministarstva sigurnosti BiH.
- 3) Aktivnosti predviđene ovim Memorandumom će biti implementirane kroz saradnju između Ugovornih strana u dostizanju sektoralnog cilja **«izgradnja i razvoj samoodrživih kapaciteta Bosne i Hercegovine za sigurnost i zaštitu građana Bosne i Hercegovine»**.

- 4) Trajanje Memoranduma nije vremenski ograničeno, što se evaluira godišnje procjenom rezultata projekata koji su predmetom ovog Memoranduma, a koju će izvršiti Ugovorne strane.

NADZOR NAD PROVEDBOM MEMORANDUMA

- 5) S ciljem osiguranja implementacije projektnih aktivnosti u Bosni i Hercegovini, ugovorne strane formiraju zajednički tim koji vrši redovan nadzor i evaluaciju rezultata saradnje.
- 6) Ugovorne strane će održavati sastanke najmanje dva puta godišnje, a po ukazanoj potrebi i češće.

RELEVANTNI ZAHTJEVI UGOVORNIH STRANA

- 7) Centar za sigurnosne studije iskazuje spremnost da u skladu sa svojim mogućnostima i kapacitetima intenzivno radi na implementiranju ciljeva predmetnog Memoranduma, te izražava nadu da će, kada za to postoji potreba, dobiti podršku Ministarstva sigurnosti BiH prilikom iniciranja projekata koji će biti usmjereni na izgradnju sigurnijeg okruženja u BiH i ispunjavanju strateških ciljeva Ministarstva. :
- 8) Ministarstvo sigurnosti BiH saglasno je i spremno da, shodno zakonima utvrđenim nadležnostima i planiranim sredstvima za realizaciju projekata, dogovara i ugovara s Centrom za sigurnosne studije zajedničke aktivnosti iz Memoranduma u svrhu efektivne i efikasne realizacije sistemskih zadataka u izgradnji i razvoju kapaciteta Bosne i Hercegovine za sigurnost i zaštitu građana.
- 9) Vidovi i oblici podrške, te planirani obim saradnje definišće se aneksima Memoranduma na osnovu inicijative neke od ugovornih strana.

ZAVRŠNE ODREDBE

- 10) Memorandum može biti prekinut na zahtjev ugovornih strana, na osnovu najave najmanje mjesec dana prije otkazivanja, uz detaljno obrazloženje razloga takve odluke.
- 11) Ovaj Memorandum o razumijevanju i saradnji potpisan je u 2 (dva) istovjetna primjerka, na službenim jezicima u Bosni i Hercegovini (na dva pisma), gdje

svaka ugovorna strana zadržava po jedan primjerak na svakom od jezika i pisama.

12) Memorandum stupa na snagu danom potpisivanja.


Potpisano u Sarajevu, dana: 08.07. 2009. godine.

**Za Ministarstvo sigurnosti
Bosne i Hercegovine**



Tarik Sadović, ministar sigurnosti

**Za Centar sigurnosnih studija
Bosne i Hercegovine**



Denis Hadžović, generalni sekretar

